



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: optesanj@bih.net.ba	Godina XLVII - Broj 5 Srijeda, 30.04.2014. godine TEŠANJ	ŠTAMPA: Općina Tešanj Kompjuterska priprema: Stručni odjel Općine "Službeni glasnik" izlazi po potrebi
--	--	--

Na osnovu člana 363. Zakona o stvarnim pravima („Službene novine FBiH“, broj: 66/13), i člana 14. Statuta Općine Tešanj ("Službeni glasnik Općine Tešanj, broj: 11/07) Općinsko vijeće Općine Tešanj, na svojoj 18. sjednici održanoj, dana 25.04.2014.godine, donosi

ODLUKU **o prodaji i zamjeni zemljišta**

Član 1.

ODOBRAVA SE prodaja zemljišta na lokalitetu kod Benzinske pumpe INA (stambeno naselje Simetrane u Tešnju), u cilju privođenja zemljišta krajnjoj namjeni u skladu sa Idejnim projektom "Javne garaže Tešanj" urađen od strane "Aksa" doo Zenica, a označenog kao: k.p. Broj: 536/7 površine 627 m² K.O. Tešanj II.

Član 2.

ODOBRAVA SE zamjena zemljišta označenog kao k.p. broj:536/8 površine 24 m² i k.p. broj:536/9 površine 71m², za zemljište označeno kao k.p.broj:534/3 površine 95 m², sve upisane u K.O. TešanjII

Član 3.

OVLAŠĆUJE SE općinski Načelnik da odredi uslove prodaje te objavi Javni oglas za prodaju zemljišta iz Člana 1. ove Odluke, te da zaključi potrebne Ugovore u vezi sa zemljištem navedenim u ovoj Odluci.

Član 4.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Fuad Šišić, s. r.

Broj:01-31-1-8-58-18/14
Datum: 28.04.2014.godine

Na osnovu člana 7. tačka g) Uputstva o utvrđivanju kvalifikacije, broja i imenovanju članova izborne komisije osnovne jedinice izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na 18. sjednici održanoj 25.04.2014.godine donosi

RJEŠENJE **o imenovanju općinske izborne komisije**

I

Imenuju se 4 člana Općinske izborne komisije na mandatni period od 7 godina, u sljedećem sastavu:

1. Kanita Gredelj, predsjedavajuća
2. Smajo Čeman, član
3. Dijana Brkić, član
4. Mejra Hrnjić, član

II

Zadatak Komisije iz tačke I ovog rješenja je da: nadgleda i kontroliše rad Centra za birački spisak iz člana 3.8 Izbornog zakona BiH; određuje biračka mjesta na području općine za glasanje na svim nivoima vlasti u Bosni i Hercegovini; provodi postupak imenovanja, imenuje i obučava članove biračkog odbora; brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini; obavještava birače o svim informacijama neophodnim za provedbu izbora, u skladu sa propisima Centralne izborne komisije BiH; odgovorna je za uređenje biračkog mjesta i druge tehničke pripreme za izbore; odgovorna je za pravilno brojanje glasačkih listića na biračkim mjestima i u općinskim centrima za brojanje; objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH; obavlja druge poslove u skladu sa zakonima, kao i propisima Centralne izborne komisije BiH.

III

Komisija ostvaruje pravu na stalnu mjesečnu naknadu za svoj rad.

Visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala vijećnika u osnovnoj izornoj jedinici, a izvan izbornog perioda 30% od tog iznosa.

IV

Ovo rješenje stupa na snagu narednog dana od dana objavljivanja u "Službenom glasniku Općine Tešanj", a primjenjivat će se od dostavljanja saglasnosti CIK-a.

**OPĆINA TEŠANJ
OPĆINSKO VIJEĆE**

PREDSJEDAVALJUĆI VIJEĆA

Fuad Šišić, s. r.

Broj: 01-05-3-289-36/14

Datum: 28.04.2014. godine

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 18. sjednici, održanoj dana 25.04.2014. godine, donosi

ODLUKA

**o naknadama vijećnicima i članovima komisija
koje imenuje Općinsko vijeće**

Član 1.

Ovom odlukom se uređuju naknade vijećnicima za obavljanje vijećničke funkcije u Općinskom vijeću Tešanj (u daljem tekstu: Vijeće) i komisija koje Vijeće imenuje.

Član 2.

Vijećniku u Vijeću pripada mjesečna naknada - vijećnički paušal za obavljanje poslova vijećničke funkcije u iznosu od **230,00 KM**.

Naknada iz prethodnog stava pripada vijećniku koji redovno vrši funkciju ili u slučaju spriječenosti to blagovremeno pravda.

Vijećniku u Vijeću pripada naknada – dnevnicu u iznosu od **60,00 KM** za svaku redovnu i vanrednu sjednicu Vijeća.

Član 3.

Predsjedavajućem Vijeća pripada mjesečna naknada u visini 75% prosječne neto plaće ostvarene u Organu uprave Općine u mjesecu za koji se vrši isplata naknade.

Zamjeniku predsjedavajućeg Vijeća pripada 40% prosječne neto plaće ostvarene u Organu uprave Općine u mjesecu za koji se vrši isplata naknade.

Član 4.

Članovima komisija koje imenuje Vijeće pripada naknada u visini od **30,00 KM** po održanoj sjednici komisije, a sa najvišim mjesečnim iznosom od **50,00 KM**.

Član 5.

Stupanjem na snagu ove Odluke prestaje da važi Odluke o naknadama vijećnicima i članovima komisija koje imenuje Općinsko vijeće broj: 2/09, 8/09, 10/12 i 12/12.

Član 6.

Ova odluka stupa na snagu danom usvajanja, a primjenjivat će se od 01.04.2014. godine i objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

PREDSJEDAVALJUĆI VIJEĆA

Fuad Šišić, s. r.

Broj:01-02-1-947-2 /14

Datum: 28.04. 2014. godine

Na osnovu člana 5., a u vezi sa članom 2. Zakona o prometu nepokretnosti ("Službeni list SRBIH", broj: 38/78, 4/79, 29/90, 22/91 i "Službeni list R BiH", broj: 21/92, 3/93 i 16/94), u vezi sa članom 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj:49/06) i člana 14. Statuta Općine Tešanj ("Službeni glasnik Općine Tešanj, broj: 11/07), Općinsko vijeće Općine Tešanj je na svojoj 18. sjednici održanoj dana 25.04.2014.godine, donijelo

RJEŠENJE

I. ODOBRAVA SE bez naknade promjena upisa na zemljištu državne svojine sa pravom raspolaganja Skupština opština Tešanj u korist Korkić (Muharem) Hanife r. Omerčić iz Doboja, označenog kao:

k.č.broj: 5371/131 zv."Kućište" kućište površine 385 m2 upisana u zk uložak broj:354 K.O. Tešanj vlasništvo na nekretnini A. lista Državna svojina sa dijelom 1/1 sa pravom raspolaganja na nekretnini A. lista Skupština opština Tešanj sa dijelom 1/1 (koja po novom premjeru odgovara dijelu parcele označene kao k.p. broj:39 zv."Sječa" kuća i zgrada površine 66 m2 i dvorište površine 404 m2 upisana u PL 344 K.O. Jelah korisnik Korkić (Muharem) Hanifa r. Omerčić iz Doboja sa dijelom 1/1).

II. Nakon pravosnažnosti ovog Rješenja, Zemljišno knjižni ured Općinskog suda u Tešnju će na nekretnini

označenoj kao u tački I. ovog Rješenja izvršiti brisanje ranijeg upisa, te izvršiti uknjižbu prava vlasništva u korist: **-Korkić (Muharem) Hanifa r. Omerčić iz Doboja sa dijelom 1/1.**

III.Sastavni dio ovog Rješenja čini kopija katastarskog plana na kojoj je označeno zemljište za koje se vrši promjena upisa.

IV.Obavezuju se Korkić (Muharem) Hanifa r. Omerčić iz Doboja da snosi troškove postupka, te u roku od 8 dana računajući od dana pravosnažnosti ovog rješenja na račun budžeta Općine Tešanj kod Vakufske banke d.d.Sarajevo, broj:1603000330017641; šifra općine; 090, vrsta prihoda; 722516 uplati iznos od 220,00 KM, a dokaz o izmirenoj obavezi dostave općinskom organu uprave nadležnom za imovinsko pravne poslove Općine Tešanj u navedenom roku, uz napomenu da je općinska administrativna taksa u iznosu od 50,00KM uplaćena prilikom podnošenja zahtjeva.

V. Ovo rješenje ima se objaviti u "Službenom glasniku Općine Tešanj."

O b r a z l o ž e n j e

Kod Službe za katastar, urbanizam i imovinsko-pravne poslove, Općine Tešanj, zaprimljen je zahtjev od strane Korkić Hanife rođ. Omerčić iz Doboja, po punomoćniku Pašić (Ismet) Emi iz Jelaha, radi brisanja državne svojine i upisa predmetne parcele u privatno vlasništvo, odnosno u zahtjevu je navedeno da je podnosilac zahtjeva posjednik sa dijelom 1/1 na parceli 39 upisanoj u PL Jelah a po starom premjeru parcela je označena kao k.č. broj:5371/131 upisana u zk uložak 354 K.O. Tešanj na kojoj je upisana Državna svojina.

Nakon zaprimljenog zahtjeva, na licu mjesta u Jelahu, kod predmetne parcele, održana je usmena rasprava, na kojoj je punomoćnik podnosioca zahtjeva na zapisnik istakla "Predmetnu parcelu je kupila odnosno dobila Prodić Danka 1966.g. od tadašnje Ciglane, nakon čega je Prodić Danka predmetnu parcelu poklonila svom sinu Prodić Dragi, na predmetnoj parceli objekat je izgrađen 1974.g., predmetna parcela je ugovorom mijenjana za parcelu Omerčić Muharema, tada je ista i upisana na Omerčić Muharema, a nakon toga Muharem je navedenu parcelu poklonio svojoj kćerki Korkić Hanifi, podnosilac zahtjeva u potpunosti ostaje kod navedenog zahtjeva da se izbriše upis Državna svojina i da se imenovana upiše sa pravom vlasništva u zemljišnoj knjizi".

U prostorije Službe za katastar, urbanizam i imovinsko pravne poslove, dana, 23.01.2014.g., pristupili su nepozvani punomoćnik podnosioca zahtjeva i Prodić (Sime) Drago iz Doboja, nakon čega je punomoćnik podnosioca zahtjeva predložila da se u predmetu

postupka sasluša Prodić Drago, te je prisutni Prodić (Sime) Drago iz Doboja, na zapisnik istakao "Ja sam predhodni vlasnik predmetnog zemljišta i kuće, koju sam ugovorom o zamjeni dao Omerčić Muharemu za njegovo zemljište u Doboju. Predmetna parcela je kako ja znam 1966.godine data mojoj majci Prodić Danki od strane Ciglane, moj pokojni otac Simo koji je poginuo a radio je u Ciglani, nakon njegove smrti Ciglana je dala oko dulum i nešto zemljišta mojoj majci da bi napravila kuću na datom zemljištu jer je nas šestero djece bilo i da bi se mogli lakše školovati radi blizine škole. Zemljište koje je tada dato majci bilo je svo zaraslo u šikaru, nako čega je napravljena na jednom dijelu tog zemljišta kuća a poslije toga majka je dala nama braći po jedan dio, da mi sebi izgradim kuće, tako da sad na terenu postoji i ta kuća koja je predmet postupka i kuća mog brata Prodić Nedjeljka koji je također zamijenio svoju kuću i sad u njoj živi Kikić Esad a na starom mjestu gdje je bila ta tzv. provobitno izgrađena kuća stanuje neko drugi ne znam tačno ime. Ja sam za predmetnu kuću kad sam gradio dobio kod nadležnog organa otprilike to je bilo 1973.g. odnosno 1974.g. svu potrebnu dokumentaciju od urbanističke i građevinske dozove a može se provjeriti i to da sam tada priložio i projekat za kuću, jer bez njega se nije mogla dobiti građevinska dozvola. Ja nisam znao sve do nedavno da zemljište u grunтовnici nije sredeno odnosno da je isto upisano kao Državna svojina, znam i odgovorno tvrdim da nikad nije bilo ometanja od strane drugih što se tiče korištenja cijele parcele koja je tad neke 1966.g. dodjeljena od Ciglane nama. Dodajem još da je Huseinu Kotoriću tada komercijalnom direktoru od strane Ciglane dodjeljeno zemljište i Lozić Šefiku koji je također bio tadašnji radnik Ciglane. Što se tiče dokumentacije vezane za dodjelu tog zemljišta mojoj majci od 1966.g., ističem da istu nemam i ne znam je li bila, budući da sam ja u to vrijeme dodjele, imao četrnaest godina.To je sve što imam za reći".

Stručno lice geodetske struke, naknadno je u spis predmeta dostavio nalaz i mišljenje u vezi predmetne parcela, te je u prostorijama ovog organa održana usmena rasprava na kojoj je stručno lice geodetske struke na zapisnik istaklo "Nakon uviđaja na licu mjesta i geodetskog snimanja predmetne parcele konstatujem da se radi prema planovima novog premjera o parceli 39 zv."Sječa" kuća i zgrade površine 66 m² i dvorište 404 m² što ukupno iznosi 470 m² a ista je upisana u PL 34 K.O. Jelah kao posjed Korić (Muharem) Hanifa rođ. Omerčić sa dijelom 1/1.Predmetni upis je izvršen na osnovu Darovnog ugovora sačinjenog 14.09.2011.g. između darodavca Omerčić Muharema sina Omera i Korić Hanife rođ. Omerčić kćeri Muharema. Predhodno je ugovorom o zamjeni nekretnina zaključenim danom, 29.05.2006.g. izvršen prenos prava na nekretnini sa dotadašnjeg posjednika Prodić Drage sin Sime u korist Omerčić

Muharema sina Omera sa dijelom 1/1. Tadašnji posjednik odnosno navedeni Prodić Drago je kao posjednik na predmetnoj nekretnini upisan prilikom aerofotogrametrijskog premjera 1981. g., što potvrđuje i priloženi popisni list od 24.09.1979. g. Što se tiče podataka starog premjera vršim uvid u skicu snimanja stavka promjena 17/75 kad je između ostalog formirana nekretnina označena kao k.č. broj:5371/131 a koja je nastala od matične parcele broj:5371/82, tada u posjedu Prodić udova Sime Darinke sa dijelom 1/1. Naknadno stavkom promjena 35/76 K.O. Jelah odnosno Darovnim ugovorom sačinjenim dana, 25.02.1975. g. između darodavca Prodić Danke žene Sime i Prodić Drage sina Sime izvršen je prenos prava posjeda na nekretnini u korist daroprimca koji upis je i danas je aktuelan u starom katastarskom operatu i odnosi se na parcelu 5371/131 po nazivu kućište neplodno u površini od 385 m² upisana u K.O. Jelah PL 1541 bez navedenih zemljišno knjižnih podataka. Uvidom u zemljišno knjižnu evidenciju konstatujem da je parcela 5371/131 upisana u ZK uložak 354 K.O. Tešanj u površini od 385 m² a kao vlasništvo Državna svojina sa upisanim pravom raspolaganja u korist SO Tešanj sa dijelom 1/1”.

Na usmenoj raspravi prisutna punomoćnik podnosioca zahtjeva na zapisnik je istakla “Nemam nikakvih pitanja za stručno lice geodetske struke, a budući da je u zemljišnoj knjizi površina predmetne parcele manja u odnosu na stanje upisa u katastarskom operatu, ističem da sam saglasna da se podnosilac zahtjeva u zemljišnoj knjizi upiše sa obimom prava koji je upisan na parceli koja je prilikom identifikacije utvrđena da odgovara parceli novog premjera a utvrđena od strane stručnog lica”.

Na usmenoj raspravi prisutna zamjenik općinskog pravobranioca na zapisnik je istakla "Sobzirom na izjašnjenje stručnog lica geodetske struke, na izjavu punomoćnika podnosioca zahtjeva u smislu naprijed navedenog, općinsko pravobranilaštvo smatra da se može udovoljiti zahtjevu sa brisanjem državne svojine na parceli označenoj kao k.č. broj:5371/131 površine 385 m² upisane u zk uložak 354 K.O Tešanj. Razlog koji ide u prilog navedenog je taj da općina Tešanj nikada nije bila u posjedu niti je koristila predmetnu parcelu”.

U toku postupka provedena su dokazna sredstva i to: održana usmena rasprava na licu mjesta dana, 19.12.2013. g., u kancelariji dana, 23.01.2014. g., dana, 27.03.2014. g., uvid u PL 344 K.O. Jelah, uvid u zk uložak 354 K.O. Tešanj, uvid u stari katastarski operat K.O. Jelah, Darovni ugovor Ov.br:288/75 Općinskog suda u Tešnju, popisni list za K.O. Jelah od 24.09.1979. g., ugovor o zamjeni nekretnina ovjerog

kod općinskog suda u Tešnju, ugovor o darovanju OPU-IP:1286/2011.

Na osnovu provedenih dokaznih sredstava ustanovljeno je da se radi o zemljištu koje je u naravi koristila Prodić Danka, da je predmetno zemljište na osnovu pravnog posla od 1975. g. stekao Prodić (Simo) Drago, da je uvidom u stari katastarski operat na predmetnoj parceli upisan Prodić Drago, da je i prilikom aerofotogrametrijskog snimanja predmetna parcela upisana na ime Prodić Drage, da je Prodić Drago kao posjednik u novom katastarskom operatu bio je upisan sve do 2006. g. nakon čega je na osnovu pravnog posla na predmetnoj parceli upisan korisnik Omerčić (Omer) Muharem iz Doboja, a nakon toga predmetna parcela po novom premjeru označena kao k.p.broj:39 K.O. Jelah na osnovu Ugovora o darovanju nepokretnosti OPU-IP:1286/2011 upisana u katastru zemljišta na ime Korkić (Muharem) Hanife r. Omerčić iz Doboja, te da je predmetna parcela u zemljišno knjižnom uložku broj:354 K.O. Tešanj upisana kao vlasništvo državna svojina sa dijelom 1/1 sa pravom raspolaganja Skupština opština Tešanj sa dijelom 1/1, da se općinsko pravobranilaštvo ne protivi podnesenom zahtjevu, to je na osnovu člana 5., a u vezi sa članom 2. Zakona o prometu nepokretnosti ("Službeni list SRBIH", broj: 38/78, 4/79, 29/90, 22/91 i "Službeni list R BiH", broj: 21/92, 3/93 i 16/94) i odlučeno kao u dispozitivu ovog rješenja.

Budući da su podnošenjem zahtjeva prouzrokovani troškovi za ovaj organ, to je u skladu sa članom 115. stav 1., a u vezi sa članom 112. stav 1. Zakona o upravnom postupku ("Službene novine FBiH", broj: 2/98 i 48/99) podnositelj zahtjeva obavezan da snosi troškove postupka.

Troškovi su određeni u skladu sa Privremenom odlukom o naknadama za vršenje usluga iz oblasti premjera i katastra ("Službene novine FBiH", broj: 69/05) i to na osnovu Tarifnog broj 1 tačka 1.3. identifikacija parcele naknada iznosi 30,00 KM, tarifni broj:4 tačka 4.1.3. naknada iznosi 100,00 KM i tačka 4.2.3. tarifni broj:4 naknada iznosi 90,00 KM, što je u ukupnom iznosu od 220,00 KM.

Podnosilac zahtjeva je prilikom podnošenja zahtjeva uplatila općinsku administrativnu taksu u iznosu od 50,00KM, te je podnosilac zahtjeva dužna izvršiti uplatu navedenog iznosa na način određen kao u tački IV. dispozitiva ovog rješenja.

Protiv ovog rješenja ne može se izjaviti žalba, niti se može pokrenuti upravni spor, budući da se radi o aktu raspolaganja.

Ovo rješenje ima se objaviti u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA

Fuad Šišić, s. r.

Broj: 01-31-1-2996-26/13

Datum: 28.04.2014.godine

Na osnovu člana 6., 16., 44., 45.stav 1., 46. i 48. Zakona o građevinskom zemljištu ("Službene novine FBiH"; broj: 67/05), člana 6., 8., 9., 21. i 22. Odluke o građevinskom zemljištu ("Službeni glasnik Općine Tešanj", broj: 1/11), a u vezi člana 1. Odluke o raspisivanju javnog konkursa ("Službeni glasnik Općine Tešanj", broj: 2/14), člana 200. Zakona o upravnom postupku („Službene novine FBiH“, broj: 2/98 i 48/99) i člana 14.Statuta općine Tešanj ("Službeni glasnik Općine Tešanj", broj: 11/07), Općinsko vijeće Općine Tešanj, na svojoj 18. sjednici održanoj dana 25.04.2014.godine, donosi

R J E Š E N J E

I Halilović (Hamze) Harisu iz Tešnja, ul. Skendera Kulenovića bb, dodjeljuje se neizgrađeno građevinsko zemljište u državnoj svojini na korištenje radi izgradnje stambenog objekta u skladu sa urbanističko-tehničkim uslovima utvrđenim u Urbanističkom planu Općine Tešanj („Službeni glasnik Općine Tešanj“, broj: 6/88), koje se nalazi u Tešnju u ulici Skendera Kulenovića, i koje je prema podacima katastra zemljišta označeno, kao:

-k.p.br.181/2 zv."Kućište" oranica/njiva 5 klase površine 408m² upisano u PL br.1317 za K.O. Tešanj II korisnik Općina Tešanj sa dijelom 1/1, a prema podacima zemljišne knjige označeno kao k.č.br.40/28 zv. "Krndija" gradilište površine 408m² upisano u z.k.ul.br. 5069 za K.O. Tešanj vlasništvo Općina Tešanj sa dijelom 1/1.

II Naknada za dodijeljeno zemljište iz tačke I. dispozitiva ovog rješenja iznosi 5204,00 KM, u koji se uračunava iznos od 204,00KM, koji je uplaćen u iznosu od 10% od početne cijene prilikom podnošenja prijave na Javni konkurs.

III. Sve troškove oko uređenja građevinske parcele koja je predmet dodjele snosi odabrani ponuđač.

IV. Obavezuje se Halilović Haris iz Tešnja da na račun budžeta Općine Tešanj broj: 1603000330017641; otvoren kod Vakufske banke d d Sarajevo, šifra prihoda; 722431; šifra općine 090; uplati naknadu u

iznosu od 5000,00 KM ili da navedenu naknadu uplati putem blagajne budžeta Općine Tešanj.

V. Naknada za uređenje građevinskog zemljišta će se odrediti u postupku izdavanja urbanističke saglasnosti.

VI. O međusobnim pravima i obavezama, između Općine Tešanj i odabranog ponuđača biće zaključen poseban Ugovor, kojeg će u ime Općine Tešanj zaključiti Općinski Načelnik.

VII. Na osnovu ovog rješenja, te nakon pravosnažnosti ovog rješenja, zaključivanja Ugovora iz tačke VI. ovog rješenja, dokaza o uplati iznosa naknade i ovjere ovog rješenja u poreznoj upravi, Zemljišno knjižni ured Općinskog suda u Tešnju i Odjeljenje za geodetske poslove i katastar, Općine Tešanj, će na zemljištu iz tačke I. dispozitiva ovog rješenja izvršiti uknjižbu i to :

- vlasništvo državna svojina sa dijelom 1/1 i pravom korištenja; - **Halilović (Hamze) Haris iz Tešnja, ul. Skendera Kulenovića bb sa dijelom1/1.**

VIII. Ovo rješenje ima se objaviti u „Službenom glasniku Općine Tešanj“.

O b r a z l o ž e n j e

Općinsko vijeće Općine Tešanj donijelo je Odluku o raspisivanju javnog konkursa koja je objavljena u ("Službeni glasnik Općine Tešanj", broj: 2/14), nakon čega je Općinski načelnik raspisao Javni konkurs pod brojem: 02-31-8-90-75/12 od 20.02.2014.g., radi dodjele neizgrađenog građevinskog zemljišta državne svojine označenog kao n.p.k.p.br.181/2 za K.O. Tešanj II (s.p.k.č.br.40/28 za K.O.Tešanj), površina lokacije: 408m², iznos početne naknade: 2040,00 KM, a na nekretnini je dozvoljena izgradnja objekta u skladu Urbanističkim planom Tešanj („Službeni glasnik općine Tešanj, broj: 6/88).

Javni konkurs je objavljen javno, a rok za dostavu prijava je istekao dana, 07.03.2014.g., te je u ostavljenom roku pristigla jedna prijava i to; Halilović Harisa za dodjelu parcele k.p.br.181/2 za K.O. Tešanj II prijava je zavedena pod brojem: 06-31-8-90-75/12 od 03.03.2014.g. Komisija za provođenje javnog konkursa za dodjelu građevinskog zemljišta u državnom vlasništvu, sačinila je Zapisnike i prijavu ocijenila blagovremenom, formalno ispravnom, te donijela Zaključak, broj: 01-31-8-90-75/12 od 11.03.2014.g. koji je pravosnažan sa istim danom, a kojim se prihvata pristigla prijava Halilović Harisa na objavljeni Javni konkurs, broj: 02-31-8-90-75/12 od 20.02.2014.g. uz obrazloženje navedeno kao u pomenutom Zaključku.

Uvidom u PL br. 1317 za K.O. Tešanj II ustanovljeno je da je na k.p.br.181/2 zv."Kućište" oranica/njiva 5

klase površine 408m² korisnik DR.SV. Skupština Opštine Tešanj sa dijelom 1/1, dok je uvidom u z.k.ul.br.5069 za K.O. Tešanj ustanovljeno da je k.č.br.40/28 zv. "Krnđija" gradilište površine 408m² Općina Tešanj sa dijelom 1/1.

U skladu sa članom 16. stav 2. Zakona o građevinskom zemljištu ("Službene novine FBiH", broj: 67/05) kojim je propisano da prije dodjele građevinskog zemljišta općinsko vijeće pribavlja Mišljenje javnog pravobranioca kojim se potvrđuje da je predložena dodjela u skladu sa zakonom, te da su procedure koje predviđa ovaj zakon ispoštovane u cijelosti, što reguliše i član 22. stav 2. Odluke o građevinskom zemljištu ("Službeni glasnik općine Tešanj", broj: 1/11) pribavljeno je Mišljenje Općinskog pravobranilaštva pod brojem: 09-08-7-M-06/14 od 18.03.2014.g. u kojem je istaknuto da je postupak dodjele zemljišta državne svojine izvršen u skladu sa važećim zakonima i da su predviđene procedure ispoštovane u cijelosti.

Članom 45. stav 1. Zakona o građevinskom zemljištu ("Službene novine FBiH", broj: 67/05) propisano je da se gradsko građevinsko zemljište dodjeljuje na korištenje radi građenja na osnovu javnog konkursa. Članom 6. Odluke o građevinskom zemljištu ("Službeni glasnik Općine Tešanj", broj: 1/11) propisano je da Općinsko vijeće dodjeljuje neizgrađeno građevinsko zemljište u državnom vlasništvu pravnim i fizičkim licima na korištenje radi gradnje trajnih građevina u skladu sa prostornim planom, dok je u skladu sa Članom 33. Odluke o građevinskom zemljištu ("Službeni glasnik Općine Tešanj, broj: 1/11) utvrđeno da se zemljište nalazi u obuhvatu Urbanističkog plana Tešanj („Službeni glasnik Općine Tešanj“, broj: 6/88) u urbanom području na kojem je dozvoljena gradnja, tako da se na isto primjenjuju odredbe Zakona o građevinskom zemljištu.

Obzirom da su ispunjeni uslovi propisani članom 6., 16., 44., 45. stav 1., 46. i 48. Zakona o građevinskom zemljištu ("Službene novine FBiH"; broj: 67/05), članom 6., 8., 9., 21. i 22. Odluke o građevinskom zemljištu ("Službeni glasnik Općine Tešanj", broj: 1/11) i tekstom Javnog konkursa, broj: 02-31-8-90-75/12 od 20.02.2014.g., odlučeno je da se Halilović Harisu dodjeli neizgrađeno građevinsko zemljište državne svojine na korištenje radi izgradnje stambenog objekta u skladu sa urbanističko-tehničkim uslovima predviđenim u Urbanističkom planu Općine Tešanj („Službeni glasnik Općine Tešanj“, broj: 6/88) koje je označeno kao n.p.k.p.br.181/2 za K.O. Tešanj II (s.p.k.č.br. 40/28 za K.O. Tešanj) uz novčanu naknadu u iznosu od 5204,00KM, da je jedini prijavljeni kandidat Halilović Hairs dostavio traženu dokumentaciju uz prijavu i da su ispunjeni uslovi iz predviđenih kriterija predviđeni članom 3. Odluke o

raspisivanju javnog konkursa ("Službeni glasnik Općine Tešanj", broj: 1/11) uz ostvarenje maksimalnog broj bodova (100bodova), o čemu je Komisija za provođenje javnog konkursa za dodjelu građevinskog zemljišta u državnom vlasništvu provela predviđenu proceduru u skladu sa Odlukom o građevinskom zemljištu, da je pribavljeno Mišljenje općinskog pravobranilaštva pod brojem: 09-08-7-M-06/14 od 18.03.2014.g., tako da je i odlučeno kao u dispozitivu ovog rješenja.

Naknada za uređenje zemljišta će se odrediti u postupku izdavanja urbanističke saglasnosti.

O međusobnim pravima i obavezama, između Općine Tešanj i odabranog ponuđača biće zaključen poseban Ugovor, kojeg će u ime Općine Tešanj zaključiti Općinski Načelnik.

Općinsko Vijeće je detaljno razmotrilo ponuđeni prijedlog rješenja, pa je u smislu naprijed izloženog i odlučilo kao u dispozitivu ovog rješenja.

Ovo rješenje je konačno u upravnom postupku i protiv njega se ne može izjaviti žalba, ali se može pokrenuti upravni spor podnošenjem tužbe kod Kantonalnog suda u Zenici u roku od 30 dana računajući od dana prijema ovog rješenja. Tužba se podnosi neposredno sudu.

Ovo rješenje ima se objaviti u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

Broj: 01-31-8-90-76/12

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Izvještaj o izvršenju Budžeta za 2013. godinu, donijelo sljedeći

ZAKLJUČAK

Usvaja se Izvještaj o izvršenju Budžeta za 2013. godinu.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Fuad Šišić, s. r.**

Broj: 01-14-1-785-2/14

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Izvještaj o izvršenju Budžeta za I kvartal 2014. godine, donijelo sljedeći

ZAKLJUČAK

Usvaja se Izvještaj o izvršenju Budžeta za I kvartal 2014. godine.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Fuad Šišić, s. r.

Broj: 01-14-1-786-2/14

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući prijedlog Odluke o prodaji i zamjeni zemljišta (na lokalitetu kod Benzinske pumpe INA), na prijedlog vijećnika Velida Joldića, donijelo sljedeći

ZAKLJUČAK

Općinsko vijeće Tešanj daje punu podršku Općinskom načelniku da nastavi sa realizacijom izgradnje garaža.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Fuad Šišić, s. r.

Broj:01-31-1-8-58-19/14

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informacija o realizaciji strateških dokumenata općine Tešanj, donijelo sljedeći

ZAKLJUČAK

Prima se na znanje Informacija o realizaciji strateških dokumenata općine Tešanj.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Fuad Šišić, s. r.

Broj: 01-49-2-846-2/14

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informacija o stepenu implementacije "Urbanističkog projekta Tešanj Centar", donijelo sljedeći

ZAKLJUČAK

Prima se na znanje Informacija o stepenu implementacije "Urbanističkog projekta Tešanj Centar".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Fuad Šišić, s. r.

Broj: 01-23-11-858-2/14

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informaciju o stepenu implementacije "Urbanističkog projekta Tešanj Centar", na prijedlog vijećnika Velida Joldića, donijelo sljedeći

ZAKLJUČAK

Općinsko vijeće daje punu podršku dosadašnjim aktivnostima na realizaciji Urbanističkog projekta „Tešanj Centar“, te ovlašćuje Općinskog načelnika da poduzme potrebne aktivnosti i radnje na potpunoj implementaciji Urbanističkog projekta na desnoj obali rijeke Tešanjke.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Fuad Šišić, s. r.

Broj: 01-23-11-858-3/14

Datum: 28.04.2014.godine

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informacija o stepenu implementacije "Regulacionog plana Centar-Jelah", donijelo sljedeći

ZAKLJUČAK

Prima se na znanje Informacija o stepenu implementacije "Regulacionog plana Centar-Jelah",

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA**Fuad Šišić, s. r.****Broj: 01-23-11-870-2/14****Datum: 28.04.2014.godine**

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informaciju o stepenu implementacije "Regulacionog plana Centar-Jelah", na prijedlog vijećnika Kasima Huskića, donijelo sljedeći

ZAKLJUČAK

Općinsko vijeće podržava, da se zbog saobraćajnih poteškoća nastalih izgradnjom raskrsnice u Jelahu, u okviru implementacije Regulacionog plana „Centar-Jelah" prioritarno ide u poduzimanje radnji i aktivnosti na privođenju konačnoj namjeni predloženih saobraćajnica iz informacije.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA**Fuad Šišić, s. r.****Broj: 01-23-11-870-3/14****Datum: 28.04.2014.godine**

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informaciju o stepenu implementacije "Regulacionog plana Centar-Jelah", na prijedlog vijećnika Kasima Huskića, donijelo sljedeći

ZAKLJUČAK

Općinsko vijeće daje podršku predloženom konceptu implementacije na lokalitetu „Dom kulture“ u Jelahu, kako je to navedeno u Informaciji.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA**Fuad Šišić, s. r.****Broj: 01-23-11-870-4/14****Datum: 28.04.2014.godine**

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informacija o zimskom održavanju lokalnih puteva na području općine Tešanj za sezonu 2013/2014. godinu, donijelo sljedeći

ZAKLJUČAK

Prima se na znanje Informacija o zimskom održavanju lokalnih puteva na području općine Tešanj za sezonu 2013/2014. godinu.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA**Fuad Šišić, s. r.****Broj: 01-27-5-812-3/14****Datum: 28.04.2014.godine**

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informaciju o zimskom održavanju lokalnih puteva na području općine Tešanj za sezonu 2013/2014. godinu, na prijedlog vijećnika Emira Unkića, donijelo sljedeći

ZAKLJUČAK

Da se pripremi informacija o trošku za održavanje svih nekategorisanih puteva.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA**Fuad Šišić, s. r.****Broj: 01-27-5-812-4/14****Datum: 28.04.2014.godine**

Općinsko vijeće Tešanj je na svojoj 18. sjednici održanoj dana 25.04.2014. godine, razmatrajući Informaciju o radu Zavoda za zapošljavanje - Biro Tešanj, i „radu na crno“ na području općine Tešanj za 2013.godinu, donijelo sljedeći

ZAKLJUČAK

Prima se na znanje Informacija o radu Zavoda za zapošljavanje - Biro Tešanj, i „radu na crno“ na području općine Tešanj za 2013.godinu.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA**Fuad Šišić, s. r.****Broj: 01-34-6-577-4/14****Datum: 28.04.2014.godine**

Na osnovu člana 30. Statuta općine Tešanj ("Službeni glasnik općine Tešanj", broj:11/07) Općinski načelnik donosi

R J E Š E N J E

o imenovanju Monitoring tima za praćenje aktivnosti organizacija civilnog društva finansiranih iz budžeta Općine

I

Imenuju se članovi Monitoring tima kako slijedi:

1. Azra Muslija, predsjednik
2. Mirnes Dedukić, zamjenik predsjednika
3. Hasan Plančić, član
4. Samir Brka, član
5. Selma Mešić, član
6. Đorđo Ristić, član

II

Zadatak Monitoring Timu je da prati aktivnosti organizacija civilnog društva u provođenju projekata

koji su finansirani iz budžeta Općine, da na osnovu prikupljenih iskustava predlaže unapređenje rada i praćenja provođenja aktivnosti civilnog društva.

Svakom monitoringu treba da prisustvuje najmanje tri člana, a prijedloge i izvještaje Tim podnosi Službi za društvene djelatnosti i investicije.

III

Ovo Rješenje stupa na snagu danom donošenja i bit će objavljeno u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić s.r.

Broj: 03-49-2-853/14

Datum: 17.04.2014.godine

S A D R Ź A J

I - AKTI OPĆINSKOG VIJEĆA

Strana

59.	Odluka o prodaji i zamjeni zemljišta.....	100
60.	Rješenje o imenovanju općinske izborne komisije	100
61.	Odluka o naknadama vijećnicima i članovima komisija koje imenuje Općinsko vijeće.....	101
62.	Rješenje o promjena upisa na zemljištu dr.sv. - Korčić (Muharem) Hanife.....	101
63.	Rješenje o dodjeli zemljišta dr.sv. Halilović Harisu.....	104
64.	Zaključak - Usvaja se Izvještaj o izvršenju Budžeta za 2013. godinu.....	105
65.	Zaključak - Usvaja se Izvještaj o izvršenju Budžeta za I kvartal 2014. godine.....	106
66.	Zaključak - podrška Općinskom načelniku da nastavi sa realizacijom izgradnje garaža.....	106
67.	Zaključak - Prima se na znanje Informacija o realizaciji strateških dokumenata općine Tešanj.....	106
68.	Zaključak - Informacija o stepenu implementacije "Urbanističkog projekta Tešanj Centar".....	106
69.	Zaključak - podrška Načelniku da poduzme potrebne aktivnosti i radnje na potpunoj implementaciji Urbanističkog projekta na desnoj obali rijeke Tešanjke.....	106
70.	Zaključak - Informacija o stepenu implementacije "Regulacionog plana Centar-Jelah".....	106
71.	Zaključak - podrška, da se okviru implementacije RP „Centar-Jelah" ide privođenju konačnoj namjeni predloženih saobraćajnica iz informacije.	107
72.	Zaključak - podrška predloženom konceptu implementacije na lokalitetu „Dom kulture“ u Jelahu.....	107
73.	Zaključak - Informacija o zimskom održavanju lokalnih puteva za sezonu 2013/2014. godinu.....	107
74.	Zaključak - Da se pripremi informacija o trošku za održavanje svih nekategorisanih puteva.....	107
75.	Zaključak - Informacija o radu Zavoda za zapošljavanje - Biro Tešanj, i „radu na crno“ za 2013.godinu.....	107

II - AKTI OPĆINSKOG NAČELNIKA

20.	Rješenje o imenovanju Monitoring tima za praćenje aktivnosti organizacija civilnog društva finansiranih iz budžeta Općine.....	108
-----	--	-----

